



Bosnia and Herzegovina
Federation of Bosnia and Herzegovina
CANTON SARAJEVO
Professional Service of the Government

Broj: 16-04-27226-2/24
Sarajevo, 24.07.2024. godine

Bosna i Hercegovine
Federacija Bosne i Hercegovine
PARLAMENT FEDERACIJE
SARAJEVO

Primljeno: 26-07-2024			
Org. jed.	Broj	Priloga	Vrijednost
05/1	02-	216	24

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
PREDSTAVNIČKI DOM
n/r Sekretara

PREDMET: Odgovor na zastupničko pitanje zastupnice u Predstavničkom domu Parlamenta Federacije Bosne i Hercegovine Kratina Alme, dostavlja se
VEZA: Vaš akt broj: 05/1-02-216/24 od 23.04.2024. godine

U skladu sa Vašim aktom, broj i datum veze, kojim se dostavlja zastupničko pitanje zastupnice u Predstavničkom domu Parlamenta Federacije Bosne i Hercegovine Kratina Alme, koje je postavila na 10. redovnoj sjednici, te Zaključkom Vlade Kantona Sarajevo broj: 02-04-36737-1.1/24 od 18.07.2024. godine, u prilogu dopisa dostavljamo Vam Odgovor Ministarstva za rad, socijalnu politiku, raseljena lica i izbjeglice Kantona Sarajevo broj: 02-04-27226/24 od 12.07.2024. godine.

S poštovanjem,

PO OVLAŠTENJU SEKRETARA VLADE

Ciber Amila


Dostaviti:

1. Naslovu,
2. Evidenciji,
3. Arhivi





Bosnia and Herzegovina
Federation of Bosnia and Herzegovina


CANTON SARAJEVO
Government

Broj: 02-04-36737-1.1/24
Sarajevo, 18.07.2024. godine

Na osnovu člana 26. i 28. stav (4) Zakona o Vladi Kantona Sarajevo („Službene novine Kantona Sarajevo“, broj: 36/14 - Novi prečišćeni tekst i 37/14 - Ispravka) Vlada Kantona Sarajevo, na 33. sjednici održanoj **18.07.2024.** godine, donijela je

ZAKLJUČAK

1. Prihvata se Odgovor Ministarstva za rad, socijalnu politiku, raseljena lica i izbjeglice Kantona Sarajevo broj: 02-04-27226/24 od 12.07.2024. godine na Zastupničko pitanje zastupnice u Predstavničkom domu Parlamenta Federacije Bosne i Hercegovine Kratina Alme, sa 10. redovne sjednice Predstavničkog doma Parlamenta Federacije Bosne i Hercegovine, kao odgovor Vlade Kantona Sarajevo.
2. Zadužuje se Stručna služba Vlade Kantona Sarajevo da Odgovor iz tačke 1. ovog zaključka dostavi Predstavničkom domu Parlamenta Federacije Bosne i Hercegovine.
3. Ovaj zaključak stupa na snagu danom donošenja.



Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),
3. Premijer Kantona Sarajevo,
4. Ministarstvo za rad, socijalnu politiku, raseljena lica i izbjeglice Kantona Sarajevo,
5. Stručna služba Vlade Kantona Sarajevo,
6. Predstavnički dom Parlamenta Federacije Bosne i Hercegovine (putem Stručne službe Vlade Kantona Sarajevo),
7. Evidencija,
8. A r h i v a.





17. 07. 2024.
u 13,30h
Edina Husejnovic
02
852
PB-2

Bosnia and Herzegovina
Federation of Bosnia and Herzegovina

CANTON SARAJEVO
Ministry of Labour, Social Policy,
Displaced Persons and Refugees

Vlada upoznata
na specijali 18/07/24
SE

17/07/24
Zastupnička
pitajna
SE

Broj:02-04-27226/24
Sarajevo, 12.07.2024. godine

VLADA KANTONA SARAJEVO
ovdje -

**PREDMET: Odgovor na zastupničko pitanje Kratina Alme zastupnice u Zastupničkom domu
Parlamenta Federacije Bosne i Hercegovine, dostavlja se -**

Veza Vaš akt broj: 16-04-27226/24 od 20.05.2024. godine

Poštovani,

na 23. redovnoj sjednici Vlade Kantona Sarajevo, održanoj 09.05.2024. godine, u okviru tačke Zastupnička pitanja, inicijative i odgovori, Vlada Kantona Sarajevo upoznata je sa Zastupničkim pitanjem zastupnice Kratina Alme, postavljenim na nastavku 10. redovne sjednice Zastupničkog doma Parlamenta Federacije Bosne i Hercegovine, održane 22.04.2024., dostavljenim dopisom sekretara Zastupničkog doma Parlamenta Federacije Bosne i Hercegovine broj 05/1-02-216/24 od 23.04.2024.godine, a koje je ovom ministarstvu dostavljeno dopisom broj: 16-04-27223/24 od 20.05.2024. godine.

Predmetno zastupničko pitanje je postavljeno na temelju člana 11. Poslovnika o radu Zastupničkog doma Parlamenta Federacije BiH i glasi: „Kakvi su inspekcijски nalazi nadzora i kontrola rada gerontoloških centara i staračkih domova u Vašem kantonu u svjetlu ispunjavanja obaveznih standarda kao preduslova za adekvatnu njegu i zdravstvenu zaštitu za korisnike, kojom dinamikom se vrše nadzori, koji se nedostaci u području njega i brige za korisnike najčešće ponavljaju i da li se u zadatim rokovima za otklanjanje nedostataka uočenih od strane subjekata nadzora i postupa u ustanovama u najboljem interesu korisnika?“

U vezi sa navedenim pitanjem Ministarstvo za rad, socijalnu politiku, raseljena lica i izbjeglice Kantona Sarajevo (u daljem tekstu: Ministarstvo) dostavlja odgovor kako slijedi:

Ministarstvo za rad, socijalnu politiku, raseljena lica i izbjeglice Kantona Sarajevo nadležno je da u skladu sa članom 4. Odluke o osnivanju Kantonalne javne ustanove “Gerontološki centar”(„Službene novine Kantona Sarajevo“ br. 27/06, 31/07, 21/12 i 5/13) daje saglasnost na osnovni opšti akt Pravila, kao i opšti akt kojima se ureduju plaće, organizacija rada, druga važna pitanja između zaposlenika i poslodavca, kao i organizacija i sistematizacija poslova Gerontološkog centra, kao i da na osnovu člana 18. navedene odluke vrši nadzor nad zakonitošću rada i nadzor nad stručnim radom Gerontološkog centra shodno odredbama Zakona o socijalnoj zaštiti, zaštiti civilnih žrtava rata i zaštiti porodice sa djecom (“Službene novine Kantona Sarajevo”, br. 38/14 – Prečišćeni tekst, 38/16, 44/17, 28/18, 52/21 i 40/22).

Djelokrug rada, djelatnost, organizacija, izvori i način obezbjeđenja sredstava, odgovornost i obaveze, organi upravljanja, ovlaštenja kao i druga pitanja od značaja za rad Kantonalne javne ustanove “Gerontološki centar” propisana su Odlukom o osnivanju Kantonalne javne ustanove “Gerontološki centar” („Službene novine Kantona Sarajevo“ br. 27/06, 31/07, 21/12 i 5/13), Pravilima Kantonalne javne ustanove "Gerontološki centar" broj: 1070/13 od 26.11.2013. godine, Pravilima o izmjenama i dopuni Pravila Kantonalne javne ustanove "Gerontološki centar" broj: 13-999/19 od 15.07.2019. godine, Pravilima o izmjeni Pravila



Kantonalne javne ustanove "Gerontološki centar" broj: 13-1739/22 od 05.12.2022. godine, Zakonu o ustanovama, Zakonu o socijalnoj zaštiti, zaštiti civilnih žrtava rata i zaštiti porodice sa djecom kao i drugim važećim zakonskim i podzakonskim aktima.

U skladu sa čl. 99., 100. i 101. Zakona o socijalnoj zaštiti, zaštiti civilnih žrtava rata i zaštiti porodice sa djecom od strane Ministarstva za rad, socijalnu politiku, raseljena lica i izbjeglice Kantona Sarajevo, vrši nadzori nad stručnim radom ustanova iz nadležnosti Ministarstva.

Shodno navedenom, a u pogledu predmetnog zastupničkog pitanja, informišemo Vas da ovo ministarstvo kontinuirano vrši nadzor nad stručnim radom Kantonalne javne ustanove "Gerontološki centar" Sarajevo, te su s tim u vezi u proteklom periodu od godinu dana izvršeni nadzori nad stručnim radom navedene ustanove i to kako slijedi:

- dana 08.05.2023. godine izvršen stručni nadzor u Kantonalnoj javnoj ustanovi "Gerontološki centar" Sarajevo,
- dana 23.02.2024. godine, kao i 24.02.2024 godine izvršen stručni nadzor u Kantonalnoj javnoj ustanovi "Gerontološki centar" Sarajevo,
- dana 20.06.2024. godine izvršen stručni nadzor u Kantonalnoj javnoj ustanovi "Gerontološki centar" Sarajevo.

Nadzori u Kantonalnoj javnoj ustanovi "Gerontološki centar" Sarajevo su izvršeni u pogledu načina vođenja evidencije i broja korisnika kojima se pruža usluga smještaja u ustanovi, uvidi u "Matične knjige domskog smještaja" i "Abecedne registre domskog smještaja", te je utvrđeno da se knjige vode u skladu sa Uputstvom o vođenju evidencije o korisnicima i pruženim uslugama u javnim ustanovama ("Službene novine Kantona Sarajevo" broj: 34/05).

Nadzori u Kantonalnoj javnoj ustanovi "Gerontološki centar" Sarajevo su vršeni na okolnosti prijema i otpusta korisnika u ustanovama, na način da je izvršen uvid u lični dosije korisnika (slučajni uzorak), te je konstatovano da pregledom dosijea sadrže svu potrebnu dokumentaciju.

Nadalje, izvršeni su nadzori u dijelu isplate i korištenja džeparca u skladu sa Uredbom o dodjeli novčanog iznosa namijenjenog za lične potreba lica koju su smještena u ustanove socijalne zaštite ("Službene novine Kantona Sarajevo" br. 29/14 i 31/21), na način da se uvidom u dosije korisnika (slučajnim uzorkom) konstatovalo sljedeće: da se isplata i korištenje džeparca vrši u skladu sa gore navedenom Uredbom.

Kantonalna javna ustanova "Gerontološki centar" Sarajevo raspolaže smještajnim kapacitetom za 347 korisnika, u trenutku posljednjeg nadzora na smještaju je bilo 337 korisnika, dok je kapacitet Prihvatišta za 25 korisnika, a po podacima iz posljednjeg nadzora na smještaju je bilo 16 korisnika. Usluge Prihvatišta pružaju se licima koja su se zatekla u skitnji i prosjačenju na području Kantona Sarajevo, kao i licima koji su se iz bilo kojih razloga našla u stanju socijalne potrebe. Usluga „Prihvatišta“, ima za cilj da se korisnicima obezbijedi higijenska obrada, privremeni smještaj, ishrana, održavanje opće higijene prostora, usluge stručnog rada, zdravstvena njega i briga o zdravlju na nivou primarne zdravstvene zaštite, i druge usluge ovisno o potrebama zbrinutih lica.

Navedena ustanova raspolaže sa jednim odjelom za dementne korisnike tkz. "Stacionarni dio" u kojem borave dementni korisnici. Ukupan broj dementnih korisnika prema podacima iz posljednjeg izvršenog nadzora je 55. Osim stacionarnog dijela u ustanovi se nalazi još 35 dementnih korisnika, od kojeg broja je po odjeljenjima (sobama) unutar ustanove smješteno 31 korisnik, a preostala 4 dementna korisnika su smještena u Prihvatište. Unutar Kantonalne javne ustanove "Gerontološki centar" Sarajevo u sklopu grupnog rada sa korisnicima organizovane su sekcije i to: likovna sekcija, literalna sekcija, kulinarska sekcija, muzička sekcija, informatička sekcija, novinarska sekcija, kao i sekcija za svakodnevne sportske i društvene aktivnosti.

Većina korisnika Kantonalne javne ustanove „Gerontološki centar“ Sarajevo smještena je putem Javne ustanova „Kantonalni centar za socijalni rad“ odnosno nadležnih Službi socijalne zaštite općina. Nadalje u navedenoj ustanovi smješteni su i korisnici po osnovu privatnih ugovora i to najviše do 30 % smještajnih kapaciteta ustanove. Izuzetno navedena ustanova može primiti na smještaj osobu koja ima prebivalište na području Federacije Bosne i Hercegovine, ali broj takvih korisnika ne može biti veći od 3 % smještajnog kapaciteta. Navedeni smještaji se realizuju u skladu sa članom 58., 58b i 58c Zakona o socijalnoj zaštiti, zaštiti civilnih žrtava rata i zaštiti porodice sa djecom.

U Vašem daljem obrazloženju koje se odnosi na stanje u Kantonalnoj javnoj ustanovi "Gerontološki centar" Sarajevo, a vezano za sistematizaciju radnih mjesta u kojem navodite da ustanova ne ispunjava neophodne standarde, a samim tim uslove za adekvatnu njegu i zdravstvenu zaštitu korisnika, želimo Vas informisati o slijedećem:



Adresa: Reisa Džemaludina Čauševića 1, 71 000 Sarajevo
Tel: + 387(0)33 562-089, Fax: + 387(0)33 562-090
Web: <http://mrsri.ks.gov.ba>, E-mail: mrsri@mrsri.ks.gov.ba

U ostvarivanju prava i obaveza u rukovođenju Kantonalnom javnom ustanovom „Gerontološki centar“ direktor između ostalog organizuje i rukovodi radom Gerontološkog centra, predlaže Upravnom odboru donošenje, odnosno izmjenu ili dopunu Pravila i ostalih opštih i drugih akata Gerontološkog centra, predlaže unutrašnju organizaciju Gerontološkog centra, zaključuje ugovore o radu i odlučuje o prestanku ugovora o radu, te pravima, obavezama i odgovornostima zaposlenika iz radnog odnosa, u skladu sa zakonom i drugim opštima aktima Gerontološkog centra.

Naglašavamo da su sve ustanove, dužne u skladu sa Zaključkom Vlade Kantona Sarajevo broj: 02-04-53347-52/23 od 28.12.2023. godine (“Službene novine Kantona Sarajevo” broj 1/24), prije nego što izvršite prijem u radni odnos, za isti zatražiti saglasnost Ministarstva za rad, socijalnu politiku, raseljena lica i izbjeglice Kantona Sarajevo, odnosno Vlade Kantona Sarajevo, te prijem zaposlenika u radni odnos na određeno i neodređeno vrijeme vršiti u skladu sa Zakonom i Uredbom o postupku prijema u radni odnos u javnom sektoru na teritoriji Kantona Sarajevo (“Službene novine Kantona Sarajevo” br. 19/21, 10/22 i 28/23).

Navedeni zahtjevi se blagovremeno razmatraju u skladu sa važećim propisima i osiguranim sredstvima u Budžetu Kantona Sarajevo.

Na dan nadzora 23.02.2024. godine u Kantonalnoj javnoj ustanovi “Gerontološki centar” Sarajevo, zaključno sa danom 31.12.2023. godine uposleno je ukupno 127 radnika (od kojih je 109 na neodređeno vrijeme i 18 radnika na određeno vrijeme) i to:

- 14 na pozicijama administrativnog osoblja,
- 40 na pozicijama zdravstvenog osoblja (medicinske sestre, fizioterapeuti),
- 9 na pozicijama ostalog stručnog osoblja (socijalni radnici, psiholozi, sociolozi)
- 46 na pozicijama ostalog osoblja (servirke, spremačice, kuhari, vozači, domari, čuvari),
- 18 radnika na određeno vrijeme (direktor i 17 radnika preko programa JU Službe za zapošljavanje Kantona Sarajevo).

U pogledu dijela pitanja koji se odnosi na vršenje nadzora od strane drugih institucija (inspeksijski nadzor) i kontrola rada informišemo Vas da ovo ministarstvo nije upoznato da li je neka druga institucija vršila nadzor u gore pomenutoj ustanovi.

S poštovanjem,

Pripremila: Amela Jažić, stručna savjetnica

Kontrolisao: Adna Teskeredžić Hrvatović, šefica Odjeljenja

Amira Gackić, sekretarka Ministarstva



MINISTRICA

Enda Pavić Pečenković

Dostaviti:

1. Naslovu,
2. a/a.